

Transkription von Stadtbucheintrag KIL 1377a

Ort, Datierung: Kiel, 1377-??-??

Signatur: Stadtarchiv Kiel, Das älteste Rentenbuch, 1300-1487, S. 19/a

Inhalt: Hinrik Samson: Rentenbelege

Hinri(k) samson heft vor koft vnde redeliken vppe laten / sin erue dat beleÿghen is inder Borghstraten mid aller / rechtlichgheycht mid aller vrygheycht also dat an sik / beleÿghen is in alle sinen ennen Men Hinr(ik) samson / de beholt andeme suluen erue sesticht mark lubisch / dar me tũ lubeke vnde tũ Hamborgh mede vol dũn / magh vor veer mark rentte enes vt tũ gheue(n)de enes / iheweliken paschens vnde willigh Richt dat albern / wyl so magh he de mark gheldes vt losen vor vefteÿngh / mark¹

Hinr(ik) samson de heft vor koft vnde redeliken vppe laten / sin erue dat beleÿghen is inder Borghstraten albert deme / smede mid aller rechtlichgheycht mid aller vrygheycht / alse dat an sik beleÿghen is in alle sinen ennen² Men hinri(k) / samson de beholt andeme suluen erue sesticht mark lubisc(her) / suluer pe(n)ninghe dar me tũ lubeke vnde tũ Hamborgh vol / mede dũn mach vor veer mark rentte alle jare vt tũ / gheuende tũ paschen vnde willich ticht dat albern wyl / so magh he de mark gheldes losen vor vefteÿngh mark / pe(n)ninghe also daninghes gheldes also hir vore screue(n) steyght / Desse vore screuen sesticht mark vnde veer mark / rentte de hebbe ik Hinr(ik) samson vore koft , Detlef / theden vnde ty(m)men Meyghtte also ik se vore hebbe hat / an desseme vore screuen erue mid alleme rechtte eme / iheweliken de Drutticht mark vnde twe mark rentte / de twe mark rente de moyte hedde dar jnne de heft detlef scheneveld / vthe loset³

¹ Abschnitt im Original durchgestrichen

² Abschnitt im Original durchgestrichen

³ de twe mark bis vthe loset von anderer Schreiberhand nachträglich eingefügt